




CONGREGATIO  
DE INSTITUTIONE CATHOLICA  
(DE STUDIORUM INSTITUTIS)

CONGREGATIO DE INSTITUTIONE CATHOLICA (de Studiorum Institutis), lectis perpensisque Statutis Instituti Theologici Carthaginensis in Hispania sub titulo v. *San Fulgencio*, Facultati Theologiæ Universitatis Pontificiæ Salmanticensis academice affiliati, ad normam art. 8 §1 Instructionis de Affiliatione Institutorum Studiorum Superiorum eiusdem Congregationis die VIII mensis Decembris a. D. MMXX emanatæ recognitis, quæ in eorundem XI articulis definiuntur ac statuuntur, **rata habet** et **ad quinquennium experimenti gratia approbat**, iisque ad quos pertinet, ut rite observentur præcipit, ceteris servatis de iure servandis, contrariis quibuslibet minime obstantibus.

Datum Romæ, ex ædibus eiusdem Congregationis, die XIV mensis Martii, a. D. MMXXII.

  
PRÆFECTUS

+ R. Vincentius Jani  
A SECRETIS



CONGREGATIO  
DE INSTITUTIONE CATHOLICA  
(DE STUDIORUM INSTITUTIS)

CONGREGATIO DE INSTITUTIONE CATHOLICA (de Studiorum Institutis) attentis litteris postulatoriis Em.mi ac Rev.mi Magni Cancellarii Facultatis Theologiæ Universitatis Pontificiæ Salmanticensis legitime præsentantis; perspecta favorabili sententia Ordinarii loci, die XXI mensis Iunii, a.D. MMXXI atque Conferentiæ Episcoporum Hispanensis, die VII mensis Februarii, a.D. MMXXII, ad normam art. 11 Instructionis de Affiliatione Institutorum Studiorum Superiorum eiusdem Congregationis die VIII mensis Decembris a. D. MMXX emanatæ; re undique perpensa ac collatis consiliis cum iis quorum interest, ad normam art. 63 §1 Constitutionis Apostolicæ *Veritatis gaudium* necnon art. 10 §1 memoratæ Instructionis de Affiliatione Institutorum Studiorum Superiorum,


**INSTITUTUM THEOLOGICUM CARTHAGINENSI IN HISPANIA**  
sub titulo V. *San Fulgencio*

hoc Decreto canonice erigit et ad normam art. 10 §2 memoratæ Instructionis eidem Instituto personalitatem iuridicam publicam canonicam concedit, simulque idem

**Facultati Theologiæ**  
Universitatis Pontificiæ Salmanticensis

ad quinquennium experimenti gratia **affiliat affiliatum**que declarat, ex primo cyclo constans, ad academicum gradum scilicet Baccalaureatus in Theologia per Facultatem affiliantem consequendum, sub ductu et vigilantia eiusdem Facultatis positum; servatis peculiaribus Statutis ab hac Congregatione approbatis; ceteris servatis de iure servandis; contrariis quibuslibet minime obstantibus.

Datum Romæ, ex ædibus eiusdem Congregationis, die XIV mensis Martii, a. D. MMXXII.

  
PRÆFECTUS

+ S. Vincentius Zani  
A SECRETIS